



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 3 Zakona o javnim preduzećima u Brčko distriktu BiH (Službeni glasnik Brčko distrikta Bosne i Hercegovine, broj 22/18 - prečišćeni tekst i 5/20), člana 15a stava 2 Zakona o putevima Brčko distrikta BiH (Službeni glasnik Brčko distrikta Bosne i Hercegovine, broj 22/18 - prečišćeni tekst), člana 64 Poslovnika o radu Skupštine Brčko distrikta BiH i Prijedloga odluke JP „Putevi Brčko“ d.o.o. Brčko distrikta BiH, broj: 01-506/22 od 01. 02. 2022. godine, Skupština Brčko distrikta BiH, na I. nastavku 20. redovne sjednice održanom 23. februara 2022. godine, donosi

O D L U K U

O POVJERAVANJU IZGRADNJE I REKONSTRUKCIJE JAVNIH PUTEVA JAVNOM PREDUZEĆU „PUTEVI BRČKO“ D.O.O. BRČKO DISTRIKT BiH

Član 1

Javnom preduzeću „Putevi Brčko“ d.o.o. Brčko distrikt BiH (u daljnjem tekstu: Preduzeće), povjerava se:

- a) izgradnja dijela puta kroz Gređice – Pirometal u dužini 490 m;
- b) izgradnja pristupnog puta Brezik u dužini 120 m;
- c) izgradnja oborinske kanalizacije u MZ Maoča - Izgradnja oborinskog kolektora i slivnika na postojećem kolovozu od naselja Brda do Džemata Maoča stara pa do mosta u naselju Iglčina (Mujkići) u dužini 530 m;
- d) rekonstrukcija dijela puta Laništa - Marković Polje u dužini 1000 m;
- e) rekonstrukcija nastavka puta D. Vukšić - Laništa u dužini 800 m;
- f) izgradnja pristupnog puta (uređenje platoa) ispred OŠ i MZ u Gornjem Vukšiću u dužini 100 m;
- g) nastavak izgradnje puta i oborinske kanalizacije u urbanom području Bijele od crkve prema groblju u dužini 150 m;
- h) rekonstrukcija puta Gornja Skakava od kapele Sv. Ante prema Lipovcu (kuća Tome Limbe) u dužini 200 m i
- i) izgradnja ulice u naselju, rekonstrukcija raskrsnice zajedno s autobuskim stajalištem i izgradnja trotoara u centru Omerbegovače u dužini 600 m.

Član 2

(1) Zadužuje se Vlada Brčko distrikta BiH, odnosno nadležna Vladina odjeljenja da u skladu sa svojim nadležnostima u što kraćem vremenskom roku obezbijede Preduzeću shodno važećim propisima svu potrebnu dokumentaciju, za izvođenje radova iz člana 1 ove odluke.

(2) Kontrolu kvaliteta i kvantiteta izvedenih radova, će sprovoditi Preduzeće, a po potrebi u saradnji s Odjeljenjem za javne poslove ili angažovanjem eksternih stručnjaka.

Član 3

Radovi iz člana 1 ove odluke će biti finansirani iz neto dobiti ili redovnih sredstava Preduzeća koja su predviđena u poslovnom planu.

Član 4

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-671/22
Brčko, 23. 2. 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

1. Predsjedniku
2. Dopredsjedniku
3. Gradonačelniku
4. JP „Putevi Brčko“ d. o. o. Brčko distrikt BiH
5. Sektoru za opšte poslove i strateško planiranje
6. Arhivi